



## **CELEBRACION DE MATRIMONIOS CIVÍS**

### **Descrición**

Trámite para a celebración de vodas civís no Concello de A Pobra do Caramiñal

### **Dirixido a**

Persoas que desexen celebrar matrimonio civil no Concello de A Pobra do Caramiñal

### **Requisitos**

Para celebrar matrimonio civil no Concello de A Pobra do Caramiñal deberá:

1º.-Tramitar a solicitude no Rexistro Civil ( Xulgado de Paz ) que corresponda ao lugar de empadroamento dalgún dos contraentes. No Rexistro Civil ( Xulgado de Paz ) indicaranlles a documentación que deben aportar para iniciar a tramitación.

( Os datos do Rexistro Civil de A Pobra do Caramiñal son: Casa do Concello nº 29-baixo. 15940.- A Pobra do Caramiñal. Tlf: 981.83.01.25 )

2º.- Solicitar data de voda no Concello de A Pobra do Caramiñal, aportando os seguintes documentos:

- Copia da súa solicitude ante o Rexistro Civil, con selo de entrada do mesmo.
- Modelo de solicitude que se lle entregará no Rexistro Xeral do Concello, cos datos dos contraentes, data e hora elixida para a celebración do matrimonio, e os datos das dúas persoas que actuarán como testemuñas da cerimonia ( nome, DNI e residencia; teñen que ser maiores de idade e poder ser ambos familiares )
- De acordo co disposto no artigo 57 do Código Civil, un dos contraentes deberá ter o seu domicilio e estará empadroado no Concello da Pobra do Caramiñal.
- Solicitude de liquidación da taxa nas entidades bancarias autorizadas.
- A data e hora de celebración fixaranse de acordo co Gabinete da Alcaldía. As vodas civís terán lugar de luns a venres de 12.00 a 15.00 h. ( sen custo algún ) e sábados laborables de 11.30 a 13.30 horas e de 17.00 a 19.30 horas, agás os festivos. Se por causa de forza maior fose necesaria algunha modificación por parte dos peticionarios razoarase debidamente por escrito que se resolverá por parte do Servizo de Protocolo.



**CONCELLO A POBRA DO CARAMIÑAL**  
**GABINETE ALCALDÍA**

- Os interesados deberán acudir ó Gabinete de Alcaldía para reservar a data e hora do enlace de acordo co calendario de actos oficiais
- As solicitudes deberán presentarse no Rexistro no momento de concretar a data da cerimonia.
- A documentación necesaria para contraer matrimonio civil no Concello de A Pobra do Caramiñal haberá que presentala no Gabinete da Alcaldía cunha antelación mínima de quince días hábiles respecto da data da voda
- A reserva da data quedará formalizada logo de tela solicitada por escrito, previo pago da taxa correspondente.

3º.- As reservas de data e hora faranse por rigoroso orde de solicitude e o seu outorgamento quedará supeditado ás necesidades propias do Concello respecto ao uso do Salón de Plenos.

**Notas para o cidadán**

1º.- Na data e hora sinalada para a celebración do matrimonio, persoal do Concello recibirá aos contraentes, testemuñas e invitados, invitándolles a acceder ao Salón de Plenos. Unha vez acomodados no mesmo fará acto de presenza o Alcalde ou Concelleiro delegado, que presidirá a cerimonia e autorizará o matrimonio.

2º.- Permitirase a colocación de adornos florais e actuacións musicais no Salón, sempre que non causen danos.

Dende o inicio e durante a cerimonia poderán realizarse reportaxes fotográficas ou gravacións de vídeo.

Dentro da Casa Consistorial non se poderán lanzar flores, pétalos, arroz ou outros obxectos habituais neste tipo de ceremonias.

A duración da cerimonia é de aproximadamente 15 – 20 minutos.

3º.- Durante o tempo da cerimonia unicamente os vehículos dos contraentes ( 2 ) terán reservado un espazo de aparcamento preto da Casa Consistorial, no lugar que lle indique o persoal do Concello.

4º.- A celebración farase en galego ou castelán, segundo elección dos contraentes.

5º.- Celebrado o matrimonio, o Concello de A Pobra do Caramiñal remitirá a acta de matrimonio ao Rexistro Civil do Concello de A Pobra do Caramiñal para a súa inscrición, o cal expedirá o correspondente Libro de Familia.



**CONCELLO A POBRA DO CARAMIÑAL**  
**GABINETE ALCALDÍA**

**Información sobre o custo**

**Normativa municipal reguladora** : Ordenanza fiscal nº 35 reguladora da taxa pola prestación de servizos municipais asociados á celebración de matrimonios civís.

**Solicítase en**

Rexistro Xeral do Concello de A Pobra do Caramiñal, rúa Gasset, nº 28. 15940.- A Pobra do Caramiñal

**Tlf:** 981.84.32.80

**Fax:** 981.83.11.92

**Correo:** [alcaldia@apobra.org](mailto:alcaldia@apobra.org)

Horario: de luns a venres ( agás festivos ) de 09:00 a 14:00 h. Os sábados e os días 24 e 31 de decembro de 10:00 a 13:00 h.

**Tramítase en**

Gabinete da Alcaldía

**Enderezo:** rúa Gasset nº 28 – 1º planta

**Tlf:** 981.84.32.81

**Correo:** [alcaldia@apobra.org](mailto:alcaldia@apobra.org)

**Horario** : de 09:00 a 14:00 h de luns a venres, agás festivos.